



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Capitvlo Arelatensi.

urn:nbn:de:hbz:466:1-20006

quando ad superiorem devoluantur.

* Leg. Conventibus, aut Collegiis, aut Capitulis

Cap. Nulla. De concess. præb.

rent, & obviarent fortius cupiditati multorum, qui vacantes Ecclesias suis usibus applicabant, tam antiquis temporibus quam modernis certum tempus Canonice & Conciliis præfixerunt ultra quod nec Ecclesiæ debeant nec ecclesiastica beneficia seu præbendæ vacare; non approbantes quod tamdiu vacant, sed præcaventes ne diutius Ecclesia quælibet solito ministrorum obsequio defrauderetur. Nos etiam ipsorum ac præsertim felicis recordationis Alexandri Papæ prædecessoris nostri statuta sequentes, auctoritate tibi præsentium indulgemus ut si monachi Dunelmen. vel alij quilibet lege diocesana tibi subjecti Ecclesias vel præbendas ad suam donationem spectantes ultra tempus in Lateranen. Concilio diffinitum vacare permiserint, ex tunc, monitione præmissa, sublato appellationis obstaculo, eas tibi liceat idoneis conferre personis. Nulli ergo &c. Datum ut supra.

EPISCOPO CESEMAT.

Epist. 461. De relaxando interdicto.

Rediens de partibus Marchiæ dilectus filius C. tt. sancti Laurentij in Lucina Presbyter Cardinalis, in quibus legationem sedis apostolica habuerat, apostolatu nostro exposuit quod pro eo quod Cesenates cum Marchoardo juraverant, & sæpius requisiti ad fidelitatem Ecclesiæ redire noluerunt, terram ipsam interdicto supposuit. Quia verò, sicut iam per literas tuas quam etiam populi Cesenat. nobis præsentatas accepimus, Marchoardi societatem penitus reliquerunt, cum aliis civitatibus Romandiolæ conjurantes; tuis & ipsorum precibus inclinati, fraternitati tuæ per apost. scripta mandamus quatenus recepto à tot & talibus quot & quales pro societate Ravennat. de Cesenat. juraverunt, secundum formam Ecclesiæ juramento quod super his pro quibus interdicti fuerunt nostro debeant parere mandato, interdictum auctoritate nostra relaxes, reservans mandatum usque ad nostræ beneplacitum voluntatis. Datum Laterani Idibus Decembris.

RAD. PETRAGORICEN.
Episcopo.

Epist. 462. Quod laici decimas à Clericis exigere non possint.

Qvoniam indignum est, & rationi contrarium, ut laici, qui personis ecclesiasticis decimas tenentur exolvere, eas à Clericis rerum ordine præ-

postera confusione turbato extorquere præsumant, ad petitionem tuam universis monasteriis, Ecclesiis, & Clericis tuæ diocesis duximus indulgendum, ut si forte quilibet laici suo nomine decimas ab eis amodo consuetudinis obtentu longævæ vel aliis occasionibus duxerint exigendas, sit eis liberum quod ita postulabitur denegare. Si verò laici, suæ animositatis spiritu concitati, violenter aliquid voluerint adversus præsentis indulti beneficium attentare, tua fraternitas appellatione remota eos ecclesiastico interdicto supponat. Datum Laterani XVIII. Kal. Januarij.

CAPITULO ARELATENSI.

Qvanto recentior est in Ecclesia vestra religionis introducta plantatio, tanto diligentius in ipsis primordiis est cavendum ne aliquid honestati contrarium nutriatur, quod cum ex consuetudine fuerit confirmatum, ordinis claritatem obtineat, & difficilius, postquam invaluerit, extirpetur. Cum autem ubi regularis ordinis professio antecessit, una esse debeat mensa fratrum, & unum dormitorium eorundem, nisi aliquem quandoque infirmitas vel alia iusta causa excludat, præsentis scripti pagina prohibemus ne aliquis vestrum, post factam professionem, nec etiam aliquis Canonicorum seu Clericorum secularium, obtentu alicujus consuetudinis cibos, qui sibi ex administratione quotidiani stipendij apponuntur, extra claustrum vestrum de cetero audeat exportare; sed infra, in locis ad hoc specialiter deputatis, simul dormiant, & manducent. Statuimus insuper & auctoritate apostolica prohibemus ne aliquis Canonicus vel Clericus Capitulis vestris aliqua occasione nolentibus vobis intersit, nec quisquam ex ipsis vestibus rubeis vel viridibus seu capis manicatis vel aliis religioni contrariis uti aliqua insolentia seu temeritate præsumat. quod abjectæ secularitatis saperet verustatem, & scandalum in populo generaret. Illi verò qui super præmissis culpabiles de cetero potuerint inveniri, secundum Archiepiscopi vestri arbitrium canonicam subeant appellatione postposita ultionem. Constituimus etiam & præsentium auctoritate sancimus ut Clerici Ecclesiæ vestræ, qui non possunt, prout optarent, in ipsa Canonice fieri secula-

Epist. 461. Quædam Statuta super vita ipsorum mutantur.

Epist. 462. Quod laici decimas à Clericis exigere non possint.

res, postquam fuerint ad alias translati Ecclesias, & in eis præbendas seu alia ecclesiastica beneficia consecuti, occasione attitulationis seu alia causa nihil sibi juris in Ecclesia vestra valeant vindicare, nec provisionem exposcere, nisi habitu religionis assumpto, cum aliis fratribus ibidem assidue servituri. Nulli ergo &c. prohibitionis atque constitutionis &c. Datum Laterani IV. Idus Decembris.

ARELATENSI ARCHIEPISC.

Epist. 464. Ut Abbatem S. Gervasij ad obedientiam atque officium reducat. Vide infra epist. 476.

Incumbit nobis ex debito pastoralis officij ut justa postulantibus audientiam cum efficacia præbeamus, maxime ubi eorum vota & pietas adjuvat, & explorati juris veritas non relinquit. Ad audientiam siquidem nostram te significante pervenit quod Abbas sancti Gervasij de Fos excommunicatos & interdictos tuos pariter ad divina & sepulturam admittit, procuraciones debitas, obedientiam, & reverentiam, prout de jure tenetur & debet, exhibere tibi penitus contradicit. Nolentes igitur ut juri tuo per eundem Abbatem super hoc valeat derogari, auctoritate tibi præsentium indulgemus ut in ipsum Abbatem, si in hac * parte duxerit persistendum, nullius contradictionis vel appellationis obstaculo censura possis ecclesiastica coercere. Nulli ergo &c. Datum Laterani Nonis Decembris.

* f. pertinacia

RICARDO ABBATI & Capitulo Compendien.

Epist. 465. Ipsorum jurisdictionis & privilegia confirmantur.

Cum à nobis petitur &c. usque ad *verbum* assensu jurisdictionem & potestatem quam super Clericos infra terminos Compendij habitantes usque ad hæc tempora rationabiliter habuistis, & nunc etiam justè & pacificè possidetis, vobis & per vos Compendien. monasterio auctoritate apostolica confirmamus, & præsentis scripti pagina communimus. Statuentes ut nulli &c. Datum Laterani XVIII. Kal. Januarij.

ARELATENSIS ECCLESIAE suffraganeis.

Epist. 466. Ut Archiepiscopo suo obediant.

Cum secundum doctrinam evangelicam, quæcunque vultis ut faciant vobis homines, & vos eis eadem facere debeatis, eam reverentiam vos convenit præstare Prælati quam vobis vultis à subditis exhiberi. Sanè cum vene-

rabilis frater noster Arelaten. Archiepiscopus Metropolitanus vester illis studiis & meritis adjuvetur ut commendationibus non indigeat aliorum, fraternitati vestræ duximus auctoritate præsentium injungendum, per apostolica scripta præcipiendo mandantes, quatenus ei tanquam patri & Episcopo animarum vestrarum devotè studeatis & humiliter obedire, ad vocationem ipsius, nisi evidens necessitas contradicat, secundum traditionem canonicam sine difficultate qualibet accedentes. Datum Laterani IV. Idus Decembris.

ARCHIEPISCOPO & Capitulo Arelaten.

Nihil magis esse religioni contrarium credimus vel absurdum, quam si in eadem Ecclesia in professione & ordine & religione ac moribus & vita & habitu servitorum diversitas natriatur. Ne igitur in Ecclesia vestra, in qua regularis ordo noscitur institutus, hujusmodi ultrà confusio se perniciosè valeat immiscere, auctoritate præsentium districtius prohibemus ne in Ecclesia vestra de cetero cujuslibet meriti vel nobilitatis instinctu aliquis in Canonicum vel in Clericum admittatur, vel Præpositum, aut Decanum, aut aliquem officialium penitus eligatur, nisi professione & habitu se regularem ostendat, & secundum beati Augustini regulam in claustris & Capitulo regulariter conversetur, ne status religionis, qui jam ibi per Dei gratiam confirmatus esse dignoscitur, alicujus mutabilitatis dispendio subvertatur, & resilire paulatim à religionis proposito cujuslibet prætextu malitiæ compellatur. Datum Laterani Nonis Decembris.

Epist. 467. Ut in Ecclesia Arelat. nullus recipiatur in Canonicum, nisi qui proficisci voluerit ordinem Canonicorum S. Augustini.

Epist. 468. De infirmis excommunicatis ad cautelam absolvendis, donec revalescant.

CENADIEN. EPISCOPO.

Licet ecclesiasticis institutis, quæ provida deliberatio sanctorum patrum instituit, à nullo debeat obviari, tamen cum justa contingit impedimenta concurrere, quæ institutorum ipsorum ex necessitate processum impediunt, juxta discretionem in medio residentis rigor est ecclesiasticus temperandus. Unde nos tuæ justæ petitioni faventes, ut valetudinariis, senibus, & infirmis diocesana tibi lege subiectis, qui pro injectione manuum in personas ecclesiasticas in canonem latæ sententiæ incide-

Epist. 468. De infirmis excommunicatis ad cautelam absolvendis, donec revalescant.